

蔡元培先生鑒定

乙編
二集

全國學校
國文成績

新文庫

上海中央編譯局出版

永合發

矣。緬甸亡矣。西伯利亞之鐵道成而蒙古滿洲之勢蹙矣。太平洋之航路通而亞東之戶啟矣。黃人一日不振。竊恐亞洲將一日不安矣。今觀全洲自主之國。南僅暹羅。西獨波斯。東方之強國僅我。與日本耳。若一念及輔車之誼。唇齒之依。捨開牆之私。關禦域外之公。敵則三洲之人。雖就消滅。我黃人之勢安知其不可長也。

清夜鐘聲發人深省

讀波蘭亡國慘狀記感言

鄧發唐

千古亡國之慘。未有若波蘭之甚也。昔俄以強大稱雄。以囊括併吞為宗旨。會波蘭內政大變。波廷諸臣。舉有倚俄之心。百姓之欲為俄民者過半。俄遂干預其政治。滅其國。迫拿破荷起於法。許波人自立。及法敗。波蘭再亡。波人自七歲以上者。悉隸之邊境。使之開闢。掘車行。送者號哭。攀援欲少留。軍士鞭之。踏地上。或入身車下。甘為輪蹄蹂躪。血肉狼藉。塞衢填軌。嗚呼慘矣。夫波蘭。歐洲之大國也。使盡人皆有愛國之心。一以國事為前提。則俄人雖欲亡之。烏得而亡之。乃不此之圖。而惟意氣用事。致內政紛若亂絲。更復就燕雀之娛嬉。倚豺狼為心腹。雖欲不亡。其可得乎。嗚呼。波蘭已矣。回顧我國今日之內政。未知視波蘭為如何。而危亂之狀。誠有心人所不能為諱者也。抑政者宜如何化除私見。同心同德。以共支危局。不然。幾何其不為波蘭之續也。嗚呼。吾因之重有感矣。

觀新麥登場感言

楊光煦

秀萼先陰。熟梅天氣。蠶桑繅了。布穀旋催。此何時艱。此非新麥登場之時歟。月之二十日為星期日。余偕友人二三。遨遊於本邑之東郊。沿途見麥秋已至。作深黃色。農人收穫於田間。或刈或拔。村童

全學新文庫卷八

感言

二

乙編

二集

負荷於途次。且止且行。其收割已畢者。則打麥於場。枷板之聲盈耳。馬材舍間。比戶麥堆。基布。家人婦子。亦有從事簸揚者。豐年樂歲。既俯仰而有資。黃髮垂髫。咸怡然。而自得。余未嘗不為農人喜也。徘徊久之。友人謂余曰。農人得有新麥登場。非徒爾也。必先受無數勞苦。而後乃能如是。君不見佃夫乎。日出而作。日入而息。終歲勤勞。不稍怠惰。其於麥也。秋播嘉種。冬施肥料。春而鋤耘。夏乃收穫。天下事。未有不勞而獲者也。余聞友言。不覺有所感焉。夫吾人之求學。猶農人之稼穡也。吾人廁身學校。苟稍勤。自勵片刻。不懈如農人之勤勞。雖嚴寒酷暑。不稍怠其心。則將來為良好之國民。又何異於麥秋之告成乎。否則惰農自安。則苗而不秀。秀而不實。其有愧於茲麥多矣。不覺轉樂為憂。非復前此之豪興歸家後。因拈毫記之。

成章而達詞意雙清

對於本年雙十節之感想

楊志禮

嗟乎。光陰轉眼。十年雙十節又至矣。際茲國事蜩螗。外議鼎沸。如放舟狂風怪濤中。生死迫於目睫。獨何暇為雙十節祝。今夫太平洋會議。關係我國目前。四百兆人民之生命。亦即數十世國運之隆替。而南云自治。北曰統一。譬家遇盜劫。不思禦難之方。而反同室操戈。夫何足稱厚亡之患哉。不特此也。民國已云十年。教育實業之改良如何。立法行政之效果如何。不可問也。是雙十節之度數益增。而國家之彫敝益極。正不知來日大難。伊於胡底。嗚呼。棟折榱崩。將屢是懼。吾於本雙十節何祝哉。

萬目時艱振筆直書讀之凜凜有生氣

國慶紀念之感想

曹瑛

武昌起義。全國震動。不數月而推倒滿清。建設共和。自古國家之興亡。未有若是之易且速者也。良以人民處專制政府之下。受種種壓制痛苦。已非一日。故一夫倡難。應者四起。吾中國數千年之專制。一旦剷除。而吾中國歷史之光榮。共和之幸福。亦由此而肇矣。猶憶休哉。此國慶紀念之所由設也。歲月如流。光陰倏忽。今又值國慶第九期矣。佳節重逢。中心振觸。回想往日之國慶。固有所感。而度來日之國慶。更不能無所感矣。蓋民國成立以來。每逢國慶。則有提燈會講演團等。遊行慶祝。鼓勵人心。各學校公署。張燈結彩。新聞報紙。悉用紅色。一若表示無限之歡悅也者。詎知國慶甫經三期。而廿四條件發現。以致人民大起恐慌。各界羣起反對。然政府當時度勢。知虜力不敵。乃一再磋商。蒙垢忍辱。以了此事。而四五次之國慶。以極樂之盛事。一變而為奔走呼號。極激。極悲痛之運動矣。可恨剝肉之痛未消。而心腹之患遽起。會設籌安。號更洪憲。逆袁又行專制矣。及至蔡唐聲討。恢復共和。人心始為稍快。近兩年來。政府南北對峙。外蒙西藏。可危。內訌外患。紛集而來。天災兵燹。迄無已時。嗚呼。國立九年。已遭萬劫。而國人之恬嬉如故。尚何望其奮發圖強。以期立於一等國之地位耶。觀今年之國慶日。報紙書恭祝國慶四字。不可計數。夫如此國家。吊之不服。尚何祝之有。雖然。今幸有共和國在。猶可值此日而慶祝之。將來或無國慶之可祝。又安可料。故與其無國慶之可祝。徒太息而痛恨。孰若值有國慶可祝時。一祝而再祝之也。嗚呼。吾言至此。淚下沾襟矣。吾非出此不祥之言。以詛咒國家。蓋前此之國慶現象如此。後來之國慶。殊可寒心。國慶國慶。其果可慶耶。其果不可慶也耶。

憂時特切故聲隨淚下今之有心人也

全國學生成績新文庫卷八

感言

三

乙編二集

五九感言上

賀豫楷

求學之旨何在。曰為己。為國。在昔夫子之設教也。首之以正心誠意修身格物。致知。此為己而學也。終之以齊家治國平天下。此為國而學也。然吾國數千年來。政治中心。每託之於達而在位之士。夫求學之士。相率以談政為戒。故曰不在其位。不謀其政。雖中有一二愛國之士。若東漢太學諸生。宋之陳東者。流然。或各黨錮之禍。或遭屏棄之厄。讀史至此。未嘗不太息流涕。此吾於五九之辱。尤不禁重有感焉。夫五九之辱。全國之辱也。而究厥成。由實由於一二執政之士。思欲保其旦夕之虛榮。故不惜出於媚外之下策。而遺全國以實惠。當是時。使在野之士。能盡其匹夫之責。相率而糾正執政之謬。發其隱而揭其奸。則野心者。或知所懲而欲其速即東鄰。亦知眾怒難犯。則今日之創巨痛深。當不至若是之甚也。此吾於五九之辱。不得不追咎求學之士。失其求學之旨。作感言上。

五九感言下

雖然。豈徒感之而已。感之而不救之。則將有感不勝感者矣。救之之道。維何在。在於自強。不在於報復。自強之道。維何在。在於興教育。以開民智。創實業。以闢利源。而尤有先決問題焉。民生是也。管子曰。衣食足而後知禮義。孔子曰。既富矣。又加焉曰教之。以是知古聖賢之施治也。於未教民之先。必先備養民之物。顧今日何如也。人民有救死之歎。首都無絃歌之聲。此而不謀自強。吾不暇為過去之五九感。吾更為將來之五九感也。夫吾國豈果窮乎哉。曰未窮也。是教育與實業不合。并也。蓋教育與實業分。則所學非其所用。學生日多。則社會游民日增。游民既增。則分利者衆。生計所由日趨於窘迫。教育所由日趨於衰墮矣。若教育與實業合。則所學皆有用之才。地無遺利。民無棄材。不假政府之強迫。人民自必趨之若鶩。於是民智既開。民生日裕。執政無所售其奸。鄰封亦不敢逞。

其惡矣。果爾，吾將不為五九感。吾且為五九慶。作感言下。

〔譯〕處處責重自己化腐朽而為神奇理想獨到氣勢縱橫非寢饋於古文者莫辨
五九感言 鄒金生

民國四年五月今日。日本以二十一條挾我。政府懦弱無能。隱忍承認。國民皆深恥之。遂以年年今日為國恥紀念日。有開會遊行演說種種舉動。以示沈痛不忘也。然自有此恥以來。已六年矣。而仇讐之勢。愈肆愈熾。福州則殺我學生警察矣。黑龍江則擊毀我商輪矣。與德戰則據我青島矣。與俄戰則擾我邊地矣。今又煽亂俄黨。撓我蒙藩。挑撥南北。使我內亂。年年紀念國恥。而年年增加國恥。此何故耶。夫欲雪國恥。必知其國恥之所由來。與其所以雪國恥之道。然後國恥可雪也。我國之所由有國恥。一以內亂相尋。授人以可乘之機。一以賣國賊當權。仇人得資為向导。此二十一條之所由來。今南北紛爭。愈出愈烈。甚至南與南戰。北與北戰。彼狼貪虎視者。久欲施其搏擊之技矣。而賣國羣奸。復倡言與之親善。從此相感。今日供餉給械。助我內爭。明日賣路抵礦。酬彼功勳。甚至國民當紀念國恥日。有所運動。又從而干涉之。惟恐不得仇人之歡心。而仇人之所為。益無忌憚。此國恥所以愈積愈多也。然則徒於國恥紀念日而紀念之。非此日則不知。所以為國恥者。究何益哉。今後不言雪國恥則已。如欲雪國恥。當從根本着手。發展實業。力圖自強。則仇讐之利權。塞歸清。賣國賊廢除。親日派。則仇讐之心。膽裂。更調和南北。養其全鋒。以私爭地。盤者爭國家所失地。盤以自相殘殺者。殺侵侮我國之仇讐。昔拿破崙之餘生也。猶能敗普。越王之殘甲也。卒以治吳。而謂我國以三千萬方里土地。四萬萬國民。不能勝彼區區之島國哉。惟有謀人之心者。在精神不在形式。在實際不在空言。吾願國民審慎行之。堅毅赴之。毋徒為形式上之紀念可也。

全國學新文庫卷八 感言

〔譯〕語語沈痛字字蒼涼令人一讀一擊節本題有此良未易得

三十節演說詞

張中

今天是武昌起義的日子。也就是民國誕生的日子。他自出世到現在。已經十週歲了。這不是很可慶幸的事體麼。所以各都會統統舉行提燈會來慶祝她。比較從前還要熱鬧。好像父母為子女做十週歲。終比做週歲做兩週歲。……來得高興些。就是我們鄉下人。上年不曾舉行提燈會的。今年也舉行了。倘沒有愛她的心。那里能夠這樣。——譬如父母倘不愛子女。也不必給他做十週歲了。——不過她在十歲裡面。毛病很多。像國會解散呀。洪憲稱帝呀。宣統復辟呀。巴黎和會失敗呀。……這都是「心腹之疾」。足以制她的死命。倘當時沒有良好醫生。恐早已夭亡了。現在這種毛病。雖已好些。但病根總未全除。元氣終未恢復。而且別種毛病。時時不脫。像水災旱災。是疫病。利源外溢。是臂病。軍閥橫行。是瘡病。……我們既然愛她。自然歡喜他康健。歡喜她長壽。那麼如何可使她的毛病完全痊愈。而漸即於康健。如何可使他的生命不遭危險。而漸登於耄耋。我們豈可放棄責任。不想個法兒麼。列位呀！

快些起來呀！

我們共同來想個法兒！

使她康健！

使她長壽！

〔譯〕譬喻很切當

國慶感言

成棠

十月十日國慶紀念日也是日也。吾校師若友相聚而慶之。豎國旗於禮堂。面北行禮。提竹燈於街衢。排隊遊行。若是者。所以表慶祝之意也。迄乎回校歸寢。余思所謂慶祝者。慶祝國利民福也。夫以吾國情形。何一足慶祝者。行政官吏則搜括民脂以飽私囊。置人民之休戚於不顧。于民何福。一般人民則以私假公。舍人為我。置國事之得失於不問。於國何利。吾初以為民國成立。惡習為之一變。轉弱為強。轉禍為福。將在於是。不意茲十載間。政體紛紜。革命迭起。外交屢失敗。國幾不國矣。是則民國成立之始日。即禍國殃民之始日。又何慶祝之有。余有感於是。因執筆而述之。

此題無一不作此意可勝痛悼

三十節國慶感言

馬健飛

三秋警電。兵圍黃鶴之樓。幾度戰雲。國墮紅羊之初。共和再造。先賢之俠骨生香。小醜跳梁。福國之熱心有幾。屈太平洋波翻浪捲。正吾中華民國十週。斯時演劇提燈。頌祝國慶。竊不禁感慨係之矣。民國以來。於茲十稔。想九年前是日。一聲霹靂。血肉橫飛。大好男兒。一聲聲大江東去。青燐白骨。風蕭蕭無限淒涼。擲幾許頭顱。換得河山光復。吾輩共和種子。獲享大同之治。幸也何如。奈黃花同熱。血未乾。而帝制之前劇復演。幸蔡氏滇池北指。重鑄國魂。然後辟之聲浪來。國會因之解散。我燦爛莊嚴之震旦。無日不陷戰雲。血海中痛斯民何辜。必使膏血。焚燄。豈先哲為民流血。抑私人地盤之關係耶。或天禍中國。降此浩劫。以銀鍊我國國民氣耶。不然。燦燦其煮豆。禍起蕭牆。使非喪心病狂。局忍傷國家之元氣。而不顧。矧太平洋會議將開。國際共管之噩耗已至。我修內政。整師旅。尚慮步朝印之後塵。茲黨見歧分。而不受亡國奴之痛苦可乎。且水旱頻仍。嗷嗷待哺。先哲有知。泉下當呼。負負也。果誰謂此可哀可弔之三十國慶。而為可歌可樂之國慶乎。然往事已矣。欲挽狂瀾。責在後進。彼美法之共和祖國。亦數十載而稱郅治。則我國十年來之民國。尚在幼稚時代。二十年後。吾將拭目觀我燦爛之五色國徽。飛揚於大西太平洋間也。懿歟休哉。

文筆不平氣勢遒勁

民國十年雙十節感言

黃泰明

嗚呼。清室亡於何日。民國成立於何日。非雙十節乎。夫雙十節為民國共和之紀念日也。故是日各機關及學校。皆放假一日。以誌慶祝。示不忘也。學生則游行於市。官廳則歌舞於庭。商賈則休業於市。雖所慶祝不同。而其紀念則一也。余於是日未出游望。閉門兀坐。不禁有所感焉。夫自武昌起義之時。不知犧牲多少。志士仁人之生命。始成此共和轟轟烈烈之國家。使吾民除專制之嚴。而享共和之幸福也。乃幸福未享。慨時事之紛紜。當此十年之中。時而復辟。時而帝制。同室操戈。自相魚肉。外交失敗。青島不歸。十大禍首。擾亂京華。國庫空虛。不知自理。徒借外債。川湘鄂戰。爭又起。皆武人爭地盤。而傷國家元氣也。近今太平洋會議。發生為我國存亡關鍵。若不乘此息內訌。力爭外交。吾恐瓜分之禍。近在肩睫。可不悲哉。故余於是日之慶祝。則反悲慨也。有感於心。不覺形於筆墨。特說之以告今之當軸者。

說十年中民國情形慷慨激昂頗有旁若無人之慨

觀尚平校表演鍾母事感言

江奇珍

古來許多的大人物。都是很榮耀的。而且載在史冊上。為什麼他能夠如此呢。這也不過得到很好的家庭教育罷了。從前宋朝有一個很有名的人物。不是岳飛麼。他因為愛著他母親。盡忠報國的。

教訓，所以能够做大大大的事業。還有一個人，也是宋朝的，名字就叫歐陽修，因為受着他母親的教訓，像寫字啊，讀書啊，作文章啊，都是他母親一個人教的，所以就能够為古今有名的人物。這不是很明白的證據麼？我看尚平校裏表演鍾母的事情，到有無限的感慨哩。當了日頭落下的時候，竹聲蕭蕭的景象，不是鍾母教兒子耕種讀書的時候麼？三間很破很舊的草屋，四週圍繞着茅柴所燒的炊煙，不是鍾母教女兒學做烹飪的時候麼？家庭教育，既然是這樣的好法，這樣的要當自然能够造就有用的大人物，成功很大的大事業，增加我們的幸福國家的發達了。唉！這樣子看下來，是很可貴的就是家庭教育了。尚平校能够表演出來，真可算家庭教育提倡的人了！

筆底下很會描寫

司馬光碎缸拯溺兒

崔周以南

余讀書至司馬光救兒事而歎其生質之美。幼時即敏捷有謀畧與羣兒殊也。當一兒失足入水時使光亦如羣兒之驚走狂叫則溺缸之兒死。缸兒死必無有獨賣光者以光亦羣兒之一也即使光不與羣兒狂叫驚走而無取石擊缸之急智則溺缸之兒亦死且轉不如驚散之羣兒尚可驚動他人之來救也。特恐緩不濟急耳。夫乃知光於不容計議思索間倉卒取石擊缸其敏捷為不可及也。

三月三日澤國賽會感言

吳濟川

黃巖東南有鎮曰澤國。每歲三月初三日例有迎神賽會之舉。民國十年上巳之辰余邀友多人。擬郊外踏青。甫抵河濱。惟見畫船魚貫絡繹不絕。余與諸友不覺心動。即買舟追隨。以觀所謂賽會者。以飽其眼福。不數時即抵三衙橋。遂賊舟以觀。斯時也。但見行人擁擠。男女雜沓。有登高者。有乘舟者。有佇立以觀者。若山立若海奔。恍若置身雲霧之上。既而火炮連聲。喇叭齊鳴。迤邐而來。勢若游

全國學生成績新文庫卷八

卷八

六

乙編二集

龍。輝煌燦爛。光怪陸離。鉦鼓喧闐。洋洋盈耳。彩旗蔽日。神迷目眩。臺閣遙臨。俱演新劇。梗杙高聳。極其靈巧。有拋瓷瓶者。忽高忽低。伸縮自如。有打秋千者。驟起驟落。伶俚可愛。六房輪簇。彩縷金。美麗絕倫。童子軍精神活潑。步伐整齊。而乘與之玉女騎馬之金童。莫不綽約有度。疑幻疑仙。蓋所以樂社神者。如是之極。能放技也。及賽會既畢。神歸樂止。而奔走擾攘之聲。尚喧呼擁擠。而未有止。如迷如醉。不知其所以然。予因之有感焉。民國成立。不覺十稔。政務叢脞。百廢待舉。枕戈待旦。猶恐不及。況南北分裂。內訌不甯。蒙藏風雲。咄咄逼人。豈國民宴安之日乎。且賽會之事。偶一為之。亦已甚矣。而乃歲歲踵事。糜數萬之金錢。虛擲於微逐難奢之場。耗錢費時。其害已鉅。而又驅迫國民。盡入迷信一途。偶值有疾。謠談鬼神。如痴如顛。習俗相沿。積重難返。此非社會進化之一大障礙乎。嗟嗟。人愛紛華。不惜金錢。出奇圖勝。競巧爭妍。以救土木。藉博遊觀者之歡迎。其愚不識可憫哉。苟移賽會之金錢。以為興學校。創實業之資。移賽會迷信之心。以為愛國家。禦外侮之舉。則社會已隱隱蒙其樂利矣。況夫去歲洪潮為災。吾同胞之死不得葬埋。生不得衣食者。比比而是。吾不知為是賽會者。其亦有動於中否也。

觀城隍出巡感言

陳亨

春秋佳節。例有城隍出巡。儀仗擁道。極一時之盛。香火彌天。虛萬貫之耗。奉者視若不惜。觀者竊有感焉。夫城者。官治之。國牆。隍者。城外無水之池。澤。城隍本非神名。世俗沿用為保守府廳州縣之神。其如封王號者。必在生為官清正。德澤被民。理固無殊也。惟彼在任時。固能施行德政。若奉命卸職。權不在手。即不能干預民間事事。如逝世已久。更恐無此能力。撫字庶民矣。且考其人在生時。亦止能聽訟明斷。誅暴安良。並不能使風調雨順。年穀豐登。驅除瘟疫。捍禦災患也。今以彼在生所不能

者信為死後反能之紛紛禱祀誠虛糜耳先哲云與其為無益以求冥福不如為有益以濟生人苟
故此所損以拯災黎猶之代城隍施行德澤不較為得乎

斷制允當

讀清李戊戌政變謄感言

常竹如

嗚呼天生賢臣貴在明主舉而用之尤貴無防功害能之臣從而聞之脫令賢臣方有志於振興明
主亦深知而擢用君臣契合千載一時而其間阻力頓生則自強之機為之一遏吾觀清之康有為
梁啟超舉行新法卒以不終未嘗不咤嗟太息也何也當吾國與日本構釁中敗日勝於是賠兵費
二萬萬兩及澎湖臺灣與日喪師失地馬關請盟國勢大衰各國又復相率租索要地瓜分之說播
騰中外固吾國國民之一大激刺也當此之時朝野上下苟能同心衡慮奮發圖強則往昔之恥辱
何難伸雪於一旦幸也康梁諸君子出憂國事日非發憤求治上書自陳規畫新政力效西法此實
吾國轉弱為強之機也孰意為貪祿之臣剛毅榮祿所惡訴之太后以阻遏之並謂康梁將以兵國
顧和園欲廢太后太后震怒遂廢康梁由是康梁遁之海外嗚乎志未終而怨已成拳拳之忠不能
自明終為議人所間以視楚之屈原漢之賈誼實相似矣謂非康梁之不幸乎雖然與康梁為敵者剛
毅諸人也康梁之不幸僅不用其才已耳剛毅諸人之不幸乃至於受殺乃至為亡國之魁蓋使戊
戌之時剛毅等不聞康梁使得用於朝廷天下必不得而亂後亦必無庚子之禍己身既不至受殺他
日亦不至有革命軍起以亡清之宗社然則戊戌變政實為庚子肇亂之基有戊戌之政變乃二人
受殺之本乃清之自亡之兆也由此觀之二人之受殺與清祚之終亡豈不宜哉豈非天哉

起段虛龍大意語甚安詳末後亦有清矯語

新文庫卷八

卷八

七

乙

集

開蘇省會議員被毆感言

黃培

議會為立法機關其尊嚴為何如議員為立法人員其尊嚴更如何而乃以如是尊嚴之場所之人
物竟被搗亂被毆辱於烏合之機工噫紛紛擾擾怪誕叢生是真吾國之不幸也然而舉目斯世在
上者之圖其利而不顧其義在下者之為其非以害其羣姦詐百出無所不至其怪誕莫不如是也
可慨也夫

淡言微中感慨特深

讀瘞旅文感言

張昂若

嗚呼人之境過豈可以一概論哉得志者則君臣道合魚水相歡不得志者則羸逐窮鄉抑鬱而居
夫同為臣也孰不欲得其君以行其道乃一則尊榮如彼而一則微賤如此人各有情能不黯然余
讀王陽明先生瘞旅文不能無感於心焉夫陽明先生有志之士也以忠言忤上遂至謫居龍場境
遇否塞是以見一北來吏目覽於其地便引為無限悲傷悲傷之不已又命二童瘞之瘞之不已又
復為文以祭之一洩其抑鬱之氣而文中吾與爾猶彼也一語尤覺無限悽慘悲不自勝此無他所
謂同病相憐也自來不得志之士往往因一事之感觸借題發揮以宣洩其胸中之抑鬱蓋其苦衷
難以告人於是不得不達之於文章文王拘而演周易仲尼厄而作春秋屈原放逐乃賦離騷左丘
失明厥有國語孫子膺脚兵法修列不韋遷蜀世傳呂覽韓非囚秦說難孤憤詩三百篇大抵聖賢
發憤之所作也今陽明先生之作瘞旅文意在斯乎嗚呼人生至不得已而必欲藉文字以表其抑
鬱其志良可悲也若陽明先生者不亦重可悲哉吾是以讀其文而不能無感於心焉

深得是文作意

寒假中自修之感想

王衛真

溯流之舟。鼓撓力前者。終必能進達其目的地。若稍一停撓。則倏焉退逝。為學之道。亦猶是。孔子曰。學貴時習。韓退之曰。業精于勤。荒于嬉。皆謂學之不可怠也。況吾輩廁身學校中。科目之種類甚繁。教授之時間有限。不賴自修之力。其能一一領會於心乎。故自修者。與受課並時。而獨重者也。每觀勤學之子。雖值休沐日。亦不肯稍事嬉遊。所以每有試驗。輒無訛舛者。勤於自修之效耳。雖然。就在校時言之。既無外事擾亂於中。又有監察者督策於後。尚不致拋荒何若。至寒暑假期中。時日甚長。而學者往往以大好光陰。泰半消磨於紛紜之遊樂。無味之周旋。則一暴十寒。與學貴時習。業精于勤之說。相背而馳。其不如溯流停撓之舟。受無形之退後者。幾何哉。嗚呼。人固有自暴自棄而不自知者。無怪乎馬齒徒增。而學業不就也。余深鑒此失。故于前一寒假期中。謝絕無味之周旋。不荒心於遊樂。惟時溫習前所已講授之各科。玩索之餘。於向所未明瞭者。皆能稍得其義。惟非敢曰勤學。亦知為學之道。貴乎有恆耳。于是乎書。

意亦猶人特文心沈潛無一浮詞臆句遂覺潔適異常

時事感言

唐肅民

自革新以來。天禍中國。變亂相循。釁起蕭牆。戈操同室。內憂外患。紛至沓來。十一年於茲矣。而舉國向隅。南北倣擾。盜賊充斥。人民塗炭者。猶如故也。雖軍閥中人。宣言本同舟共濟之心。懷匹夫有責之義。作公理之後盾。為正義之聲援。然口道堯舜之言。身為桀紂之行。比比皆是一身有利。貴國敢為一己有權。殺人不惜。小民何辜。罹此荼毒。神州何罪。遭此陸沉。夫身居中國。皆屬同胞。何必使黃帝子孫。肝腦塗地。錦繡河山。四分五裂。而後已耶。倘長此紛爭。不求和平。吾恐危機四伏。險象叢生。雖大會主持公道。倡導和平。忍亦可恃。而不可恃也。使一旦外人起而干涉。坐收漁翁之利。則莊莊神州。將淪於萬劫不復之數。此悲時之士。所以不能無感於心也。

氣感言宜

春夜聽蛙聲感言

唐肅民

春光明媚。皓月如霜。獨坐書齋。披研載籍。但聞四鄉機杼犬吠聲外。青草池塘。蛙鳴咽咽。互相應和。如一部鼓吹。余因之有感焉。古人云。蝦蟆日夜鳴。而人厭之。雄鷄一鳴。天下振動。夫蝦蟆雄鷄。同為動物。其有所鳴。均出於天籟之自然。非故為美惡聲。以取愛憎於人。而人之聽之感情。頗異者何耶。噫嘻。我知之矣。蓋雄雞之鳴。適當其時。蝦蟆之鳴。多而不節。故人之愛憎。因之而異耳。然則蝦蟆之遭人厭惡。非自取之咎耶。雖然。天下事之自取者。豈獨蛙而已哉。人之發言也。亦然。吉人之辭。雖寡。時然後言。人自服其襟懷。躁人之辭。雖多。發不當理。人自鄙其煩瀆。此所以陳平周勃。言語訥。漢文稱為長者。虎園晉夫。喋喋利口。張釋之舍而不用也。蛙哉。蛙哉。其毋令人與紫色同憎也哉。

全國中學師範國文成績新文庫 乙編

贈言類

贈張君靖臣完婚序

劉建安

同學張君靖臣。天資穎特。與余。晴窗共暑。雪案同寒。相得甚歡。今民國九年三月十一日。為張君完婚之期。還家以將事禮也。嘗見英年子弟。其初。廁身學校。非不潛心鉛槧。抱負不凡。及一賦琴瑟。即縈情閨閣。而英雄氣短。詩書高束者。比比皆是。張君固克自樹立者。余有以決其必不然也。況聞張君之配。長於望族。夙負賢聲。昔樂羊子。綴學其妻為之斷機。以警羊子。感憤遂成名。今張君得賢偶。當可匹美古人矣。予惟朋友以輔仁為誼。不苟以浮辭相夸譽。今張君之賢如此。其得配之賢。將如彼。即欲有所贈言。亦游夏莫贊焉。然則惟祝張君得賢內助。他日負笈求學。無內顧憂。可以肆力於學。益勵前程。而異日者。學以成名。以立馬。曰是惟賢內助之力。又異日者。宜男衍慶。子孫蕃殖。相與登張君之堂。為歌。為舞。而詩。而麟趾。則庶乎張君之有以紹先德。而啟後賢。為不虛此居室之倫也。何幸如之。謹獻此為異日克符之券。

一氣旋折。榮繞而下。最是行文難得之佳境。

送同學羅君是春畢業旋里序

程蓋天

古之所謂磊落奇偉之士者。必多產於名山大川。然後足以激發其志氣。其所行率皆迂怪詭異。不見諒於俗人。而亦不求俗人之諒。於是羣馬目之以為狂。而卒不能不求小就以一試其懷抱。不亦

全國中學師範國文成績新文庫 卷九 贈言

大可哀哉。是故岱嶽之麓。孔子說馬。伊洛之濱。程氏作馬。一則困於陳蔡。一則厄於黨人。古之聖賢。尚猶如此。況才能不能見信於人。而言行迂詭。又有過於聖賢者乎。吾郡北有黃山。嵯峨龍從。世之所謂名山也。而古之所謂磊落奇偉之士。未嘗概見何也。豈天之於山川者。獨厚於人。獨薄耶。抑造化之力已盡。而不能復孕育一磊落奇偉之人耶。不然。則是余孤陋寡聞。雖有磊落奇偉之士。而耳目未能及之也。予懷疑者數矣。歲丁巳。余肄業中校。得識羅子是春。黃山人也。嘗其行事。與眾人異焉。聽其言論。與眾人又異焉。下及於文字。一切莫不與眾人異焉。信乎其為古之所謂磊落奇偉之士也。夫然後昔之所疑。一旦冰釋。而天之生材。果非僻處一方之士所能測度也。羅子在校。言行不能見諒於人。獨余與交厚。今已卒業。將執轡西。十七區私立國民學校教鞭。殆古之小就以求一試其宏抱者歟。於其行序。以贈之。以為他日符信之券。

深得方姚神髓。宜地近故氣亦類歟。

送林賞廷先生從軍序

葉逢舜

近世士大夫。除一二有定力者外。多為祿仕謀。即平日言道德。崇忠信。敦廉讓。循循然。藹藹然。一若足以駕軼前賢。而有餘者。及其膺一任。得一職。則招權納賄。奔走權貴。日不暇給。民生國計。漠不關心。而夙昔之嘉聲美譽。一旦掃地。亦不甚惜。惟以得尊官。竊厚祿。多置田園。為子孫長久計。而腹削壓迫之術。於以蒸蒸日上。而斯民遂日益受其害。而無窮。吾師林賞廷先生。擁皋比於郡之中學校。已數年。出其門者。多氣節骨鯁之士。不問而知先生之人品為何如矣。余於丙辰歲始從之遊。今已匝年。其憤時嫉俗之氣。時露於言論間。不可勝記。其論污吏之言。有曰。今世之官吏。吾知之矣。方其未得時。觀其言論風采。若甚可愛。語默動靜。若甚可敬。乃一入官常。則所為多不可對人言者。前夫

齊而後盜跖。若是者何也。蓋其前之所為者。殷浩。養譽之故。智也。偽也。嗚呼。舉世如斯。政治安得不日壞。國是安得不日非也哉。夫隨波逐浪。常人故態。吾人當有挺然不拔之氣。無為習俗所移。斯可矣。其言論如此。其人品。益可知矣。今以袁氏叛逆。罪不容誅。先生為大義所迫。出山從軍。用張撻伐。吾知其與彼狃於嚙嚙之祥。卒致前後判若兩人者。大有徑庭也。行矣。先生。小子不復得被教澤。然先生所言。小子未嘗敢忘於其行也。誌以贈之。庶博先生之莞爾也。夫

言恢之而彌廣。思按之而愈深

說文一首贈李君

厲復

李君筌。績學砥行士也。與予弟善。以是諒予。鑽研於古文。執所業而諸益焉。曰。筌大馬之齒加長。嗜此不疲。顧弗得其訣。為而弗工。子其有以益之。予敏手却步。謙讓不遑。已而累足靜氣。思所以副其意者。爰為之說曰。文章之道。艱乎難哉。好奇者以平淡為可厭。喜順者以蹇澀為可擯。二說紛焉。人將誰從。噫。是皆不溯古人往訓之過也。夫韓退之之說曰。陳言務去。憂憂乎難哉。孫可之之說曰。儲思必深。摘辭必高。道人之所不道。到人之所不到。之二說。皆古文家之所奉為圭臬者也。蓋文以古名。必有以高時而適俗。擯精而去粗。若與俗浮沉。希一時之譽。棄千載之傳。見有字轄句束。矩步規行者。反斥之曰。謬矣。可乎。不可乎。故夫運思必邃。抒辭必超。絕俗而合古。負訛而必傳。操觚之士。尚可游移歧路。迷其攸歸耶。吾聞山水靈秀。人物英俊。以古文名天下者。若林公紆。吳公曾。其最著者也。然二公專精于文事。孜孜數十年。鬚髮頽然白矣。予後生小子。才拙筆禿。顧不自揣。願窮寒衛之力。跛行崎嶇。其或企及二公。未敢以是自絕也。願與君共勉之。

潛氣內轉。醞釀功深

全學

新文庫卷九

贈言

二

乙編二集

贈唐君遊黃山序

羅是春

新安大好山水。以黃山為著。距余村不百里。高峯峻拔。怪石嵯峨。既難躡蹻以登臨。復不能乘輿以睇眄。余少聞人言。黃山名勝甲宇內。思遊者久矣。終不獲償。曩歲余叔曾偕二三遊侶。連袂登臨。諸文殊院。凡所歷勝境。所覽古蹟。莫不筆之於記。以餉遊客。庚申春。有唐君宅五者。作黃山遊。君歛人曾肄業安徽省立第二師校。年屆弱冠。耳黃山形勝冠絕新安。其供人記述。動人吟咏者。不一而足。積思成夢。想者屢矣。今偕素心四五。攜山志。訪風景於此。夫黃山之奇。筆難盡述。天都之高。湯地之溫。古松之勁。山瀑之飛。大足令人稱慕。惜唐君斯遊。足跡僅止慈光寺。其他清涼台。九龍瀑。蓮花獅子。及雲海之勝。則未嘗飽覽。亦未能無缺憾也。雖然。唐君不能歷覽摩挲。振衣千仞。而較諸足跡未涉。茅蓬者。則其勝也遠矣。他日唐君歸。出其吟咏以賞余。中有哀身自恨。無能力。遙對天都。愧萬千句。是則非山靈之負君。實君之有負於山靈也。異日。秋高氣爽。余當偕一二健侶。躡蹻天都。陟連花。探幽窮。奇極大觀。而無憾。唐君其以為何如。

已遊後贈序亦事之宜。喜其文境通靈。前呼後應。自然勝絕

贈張君國良序

羅是春

吾校四年級生。將卒業。張君國良。每試輒冠其曹。余輒為牛後。然張君不以余為鄙陋。謂吾二人者。今且卒業。自茲以往。會晤不可期也。子亦有以贈我乎。余曰。春不敏。見聞所及。不足以廣君子之意。然亦不敢以譽辭相媚。蓋春之入中校四年。過固多矣。君豈能無過乎。願相督促。改之。且余二人。家皆貧窶。出校後。將為謀生計。與社會交接。其無以怙過貽社會笑。受人之指摘曰。此安徽省立第三中學校學生也。則豈惟君之羞。抑亦春與同級諸君子之羞也。至君平日成績既佳。又能不驕。畢業

優列。固可操券。慎斯以往。其無所失矣。吾子勉之。

質不率直。此境良不易到。

朱母陳太夫人七十壽序

朱為棧

歲在戊午某月某日。為朱母陳太夫人七秩設悅之辰。其仲嗣濟丞自粵海移節高雷。告假過歸。將捧觴上壽。我族眾誼。應登堂拜母。以申祝嘏。禮乃屬某為之序。竊惟世俗稱壽之文。每鋪張揚厲。臆其平生一節之長。一行之末。而備記之。以致冗慢繁瑣。不堪卒讀。或則敷衍通套。頌揚失實。至有假皂隸為王侯者。是皆非所以壽我太夫人之言也。蓋具夫盛德懿行者。舉其大節。即足以概其餘。固不待乎標舉瑣細。談譽過情。以為美百行之原。大孝是也。嘗聞太夫人之事舅姑也。婉孌淑順。深得堂上歡。姑陳太君年高體弱。常服優芬。太夫人親自調進。未嘗假手婢媼。數十年如一日。太君嘗曰。汝事我孝。汝後必昌。夫果報之說。雖屬警言。君子修德固非邀福。然而明德之後。必有達人。宜乎太夫人之克昌厥後也。孝經不云乎。在上不驕。高而不危。所以長守貴。制節謹度。滿而不溢。所以長守富。蓋諸侯之孝。太夫人生長泰和。歸於博邑。迺四川大竹縣知縣陳公文湘之女。四川嘉定府知府曉霞公之媳。而歷任德化高安豐城各縣。洊升道員。紹霞公之淑配也。仕宦之榮。一時稱盛。顧太夫人絕無閭閻家習氣。却華飾。親縫紉。淡泊自處。雖一絲一縷之微。未嘗暴殄。主持家政。深得以約守盈之旨。居恆接物。待人無疾聲厲色。遇顛連無告者。哀矜有加。媼親之遺喪者。弔問如禮。至若相夫訓子。無時不以讀書積善。繼志述事。相勗懽懽焉。以不克負荷為虞。其孝思不匱如此。迨諸子仕途奮跡。分道揚鑣。而仲子濟丞更以受知於武鳴陸公。倚畀若股肱。委任如心膂。參贊帷幄。偉績炳然。歷尹鎮南欽廉粵海瓊崖諸道。政聲卓著於兩粵。而太夫人已年登耄耋老矣。安富尊榮。以娛晚景。兢兢之念。宜可少休。而太夫人綜攬家政。勤勞不輟。如故也。制節謹度。屏除華麗。如故也。謙遜自牧。和惠下人。如故也。親後嗣之熾昌。家聲之茂大。不曰鞠育教誨之勞。而惟歸功於祖德也。婦人女子之行。無非無儀。以順為正。而敬謹以事舅姑。則孝矣。若其戰兢兢兢。以保泰持盈。此士夫之所難。而太夫人所以承先業而啟後人者。有如是焉。經所謂諸侯之孝者。不亦可以當之無愧耶。夫壽者。酬也。所以酬有德也。太夫人之盛德。若此。則其享遐齡而膺蕃祉。正未有艾也。茲者設悅期屆。祝嘏筵開。當代之名公鉅卿。相與製錦。遙祝以發潛德。蓋已實至名歸。固不待某之贅述矣。然而比事屬詞。義各有取。爰撫太夫人仁孝之節概如此。以為壽。而亦因以風世焉。是為序。

序文儘可用去

送同學赴邦江序

劉大年

古君子之力於學也。不必隨眾人之所趨。非苟求為異而已。將以明體達用。窮則獨善其身。達則兼善天下也。其少則孜孜兀兀。步矩蹈規。優游於詩書之圃。醉飽於道德之途。以養其心性。究極乎禮經。朝野上下之制度。以至於宗廟鄉黨之節文。家人烹飪之瑣事。無不貫穿於胸中。以通其識見。故雖伏處草茅。凡修身齊家治國平天下之要。皆已親習。而恢恢乎其有餘矣。出而任事。本其平日之所學。察宜而施之。如起居飲食之不待習而後能也。而後動而宜。舉而皆可以為法。由其蓄之者有素也。豈與夫早食之徒。竭其心與力以赴眾人之所好。播為風氣。騰為口說。率天下之人以從之。不務自精其學者比哉。自明代以四子書文取士。於是學者以制藝為干祿之具。有清仍之。而其弊彌甚。學者窮畢身之精與力。以從事貼括。甚者標漢學宋學之名目。別類分門。黨同伐異。言漢學者以廣博為主。言宋學者以義理為主。各是其是。紛紛藉藉。相爭相競。一二通儒外。幾無人不然。國家強

弱之謂何。生民實亂之謂何。百餘年來。此輩徒拘虛文。毫無實用。其腐已達於極端矣。民國鑒之。改弦更張。仿造泰西之制度。灌輸歐美之知識。於是易科舉為學校。限以年度。以防其僥倖。教以各科。以求其實用。其設思。非不周且密也。十餘年來。莘莘學子。徒驚虛名。服飾必求其時。學術不務其本。稍有不得。趾高氣揚。驕矜之色。莫可言喻。其尤者。見國家設施。稍有不當。紛紛相率罷課。以救國。一倡百和。率戢戢廢學之人。而使之任事。粗浮舉動。君子有所不忍言也。然以視向之陳腐。則誠去矣。而粗浮之氣。則較陳腐之弊。為尤甚焉。以暴易暴。此去彼生。豈在上者之設備。皆不善哉。毋亦學子自趨眾好。而不務實事。求之所致歟。平居既無真學問之可言。出而任事。庸有濟乎。孔子曰。不患無位。患所以立。又言。仲由。冉求。公西華。皆可以從政。聖賢平居為學之大概。蓋可見矣。李君誠篤。實君子人也。平居嘗與余談論。謂清之士也。腐今之士也。浮皆不足以為士。吾輩生斯時。不必逐眾人。之好。將求古人中庸之行。明體達用。雖不敢必。其有至然。亦不可不循。是為之。其所言者。如此。則其中之所蓄者。可知矣。於辛酉之夏。就學於江第五師範。於其行也。為道。其古今為士得失。所以他日學業有成。吾知其必能舍彼而力此也。

文氣雄博辭意俱精

歲暮別同學序

陸立人

辛酉秋。立人入南通代用師範。同學五百人。皆青年有志士也。循序漸進。成績卓著。立人忝附班末。得與諸君子切磋琢磨。無如秉性魯鈍。終不能擬諸君子於萬一。自愧亦堪自憐。光陰如箭。日月如梭。曾幾何時。而年假已至矣。夫眾散悲樂。人情之常。臨別贈言。往往不廢。當此離亭握手。歧路分襟。雖在落落寡合者。流猶不能不黯然魂銷。況與諸君子相處日久。熱忱相感。情誼敦篤。宛然昆弟者耶。又况各展所長。晨夕漸摩。辨疑析難。共霑化雨者耶。雖然。百年無不散之緣。天涯若比鄰之近。徘徊歧路。泣下沾襟。兒女之態。似非我師範生之所為。惟以我最親愛之同學。一旦飄然遠去。各歸故里。書窗月冷。寒夜燈昏。愴然離分。一瞬感後會。於來年。心非木石。能不惻然。顧予惓惓於諸君子者。猶有在焉。夫為學之道。貴乎勤習。一暴十寒。雖智者不能有成。古人三餘之語。不我欺也。雖諸君子於校中所授之課。早已熟習。然學如不及。尤戒自滿。蓋溫故知新。聖人已先我言之矣。僕不才。妄為一言。質諸好學諸君。以為何如。

大有依依不舍之情與題頗稱

送友人旅行杭州序

方拯

杭州風稱名勝會萃之區。湖沼幽秀。水木清華。而六橋三竺。尤為擅勝。故中外名人雅士。多往遊焉。今年春。本校四年級同學。往遊者二十餘人。夫諸同學。今已至四年級。在校求學之期。祇有數月。而邦抗相距數百里。非一二日所可往返。今集二十餘人。以往。費又甚鉅。若惟遊覽名勝而已。則此至貴之光陰。與夫有限之金錢。而隨意捨之棄之。殊可惜也。故是行也。其必參觀學校之成績。取彼之長。補我之短。考察山川之形勝。民風之文野。復覽草木鳥獸之形態。農牧之事業。其可以之研究。歷史地理。理科等者。豈可勝計。誠若是。則此行也。又曷可少哉。況乎登高作賦。臨墓留題。亦名人雅士所不廢。諸同學皆工詩文。他日歸來。甯無宏篇鉅製。以遺我乎。故於其行也。書以贈之。

斤斤於遊之不易迫出所以遊之目的益見鄭重是謂意在筆先

送友往美國留學書

鄧發唐

昔孔子登東山而小魯。登泰山而小天下。人固不可以自隘也。况學問之道。日新而月異。耶閣下畢

業於縣之高等小學。今又畢業於省立中學。在他人視之。以謂足矣。今閣下不自隘小。有志於遊學美國。吾輩聞之。其欣慰何如耶。他日學問有成。邁返祖國。灌輸文明。誘進后學。非閣下之屬而誰屬。閣下勉乎哉。於閣下之行也。感不絕於余心。聊贈數言。以當陽關之曲。

尺幅中情文濃至。知非泛為酬應者。

歡迎省委辭狀

陳光運

噫。今日何日。非吾校全體歡迎省委費先生之日乎。吾授業諸先生。與全校諸同學。對於今日。應具若何之希望。若何之愉快乎。運不敏。敢以鄙衷陳之。

今日之時代。為如何之時代乎。今日之財政與教育。為如何之財政與教育乎。此吾人所當深長思者也。溯自歐漸東來。割地賠款。動以萬計。立約通商。在在失敗。而推厥積弱之源。則以理財無方。教育不普及。為之梗也。故民國唯一之政策。曰教育普及。曰清理財政。蓋無財無以興學。無教無以育才。二者具有最密切之關係焉。近者。敝校開辦四載。年級招足。所可慮者。無經費耳。當發起創辦斯校之諸先生。費幾多之金錢。經幾多之困難。一片苦心。育我學生。方今學級招足。又慮經費之不裕。此調查成績。生等何勝慶幸。夫吾校之內容。素重精神。而對於形式上。不無缺焉。先生來校二次。當早已知其底蘊。況吾校地址。當淮水之東。水陸交通。揚八屬適中之所。來學者。素稱便利。先生必樂為助之。苟得先生一言。代為上報。得經費以支持吾校。此吾授業諸先生。與全校諸同學。所當希望而愉快者也。然則。吾校前途之關係。其在先生乎。

暢達

全國學生成績

新文庫卷九

贈言

五

乙編二集

送友人從軍序

劉學修

友人王君。卓犖不羈。個儻有大志。居平縱談時局。輒拔劍起舞。慷慨激昂。今年夏。應某巨公之召。往從其軍。於其往也。偕同人醵之海角亭。斯時也。水帶離聲。山縈別緒。咸有戀戀不舍之情。蓋余之於君也。同學數載。判襟一旦。此後鶯鳴庭樹。月落屋梁。誠有難以為懷者。是不能已於言也。某不敏。敬以一言為贈。夫靈芝無根。醴泉無源。時勢造英雄。英雄造時勢。其最若身。勵若志。奮若剛。腕以底於成乎。夫以吾國今日。內訌迭起。強鄰交侵。民困於倒懸。溺於水火。稍有心得時局者。猶恹然興憂。思所以廓清之。整頓之。況吾子愛國憂民。出乎其性也哉。知吾子此去。必有所建樹。非尋常貌干城。心利祿之為也。若夫縱意放蕩。恣情山水。則又豈今日之宜哉。行賞先卑遠。而後貴近。行罰先貴近。而後卑遠。號令宜肅。馭下宜寬。過人以恩。接物以誠。則吾子所當勉也。抑尤有進者。沉沉朔漠。卧榻將屬他人。莽莽南荒。局鑰已非我有。夙念吾子愛國如焚。迴天有術。將來雖驚脫穎。刀試新銘。或救大陸於將沉。或拯元元於塗炭。諒亦吾子所有事也。此則余所頌禱。亦即同人所盼望於吾子者。吾子勉旃。

切定送友發揮諄諄誥誡神理恰合

全國中學師範國文成績新文庫 乙編

序跋類

衛生月刊緣起

俞曉夫

世人莫不知學問道德之重要也。百城坐擁。稽考古今。若是者何也。無非求學問之深邃也。講道說仁。敦品立行。若是者何也。無非欲道德之高尚也。學問道德固重要也。而不知更有甚於學問道德者。則衛生是矣。夫學問貴乎致用。道德在於實行。有強壯之體魄。而後有健全之精神。有健全之精神。而後能當偉大之事業。世有學問鴻博之人。往往以專心求學。而忘身體之營養。及學就以羸弱得疾。而天卒者有之。又有道德高深之士。日日惟注意德業。而忽身體之保護。及德成以外物戕賊。而殞命者有之。是皆竭全身之精力。費半生之心血。潛修學問。琢磨道德。其結果歸於泡幻。豈不令人深歎息耶。然欲營養其身體。保護其身體。得強壯之體魄。有健全之精神。舍衛生末由。此本校校友會衛生科之所以設立焉。然衛生有衛生之道。而其道不一。飲食有節。起居有時。潔其衣服。適其寒暄。此衛生之道也。沐浴宜勤。灑掃勿間。唾涕有所。運動合度。亦衛生之道也。其餘如呼吸空氣。靜坐安神。一事一物。一舉一動。凡有益於身心。而補裨於精力。防外界之侵害。作身體之保障者。亦無往而非衛生之道也。蓋人身體之得病。與夫疫癘之橫行。一朝猝發。生命危急。蔓延傳染。死亡相繼。胥由漸而入。至根深蒂固。欲救而無可救矣。吾輩青年。正發育成人之際。攻錯潛修之時。躊躇一堂。互相砥礪。亦知進德修業之外。尤當注重衛生。勿以害小而為之。勿以利小而為之。勿以不預防於未然。必貽患於日後。苟能力懲已往之失。增進未來之福。共同研究。互相討論。得衛生之要道。以裨益於身心。躬行實踐。以臻於善。斯不負本刊發行之微旨也。爰綴數語。以誌其緣起。如此原鄉俞曉夫謹述。

生成績新文庫 卷十

清順醒目文筆不苟

民國殉難諸烈士傳叙

朱汝佳

嗚呼。殺身成仁。非烈士所優為歟。當中原板蕩之日。士夫逢時媚主。忍置民生。甚或假威肆虐。異己者則鋤之。箝制怨謗者之口。而摧殘俠義之人。一若暴君專制。無所逃於天地之間。致吾神州元氣斷喪無餘。夷滅熾張。民權日剝。天下盡牛馬。而任羈勒。莫可告勞。不知專制者。天下至不仁之政。而借異類以虐吾民者。天下至不仁之魁也。不仁之政。人咸得而革之。不仁之魁。人咸得而誅之。事在見義勇為。一人倡義。鼓一分之民氣。魁一息之國魂。若斯人之傳者。不大可欽也哉。滿洲入帝中華。氣節之士。義不帝秦。興師抗命。彪炳若史。閣部鄭成功。屢仆屢起。卒殉難。以盡其忠國之忱。甯以一身繫宗社之存亡。不肯低首下心。回其光復之志。作亡國奴。以貽羞千古。此其一死。以作國民之氣。鼓吹後人。志可嘉。事何烈耶。乃越二百年。果得諸烈士踵起。以繼其志。一腔義憤。萬斛雄心。痛腥乾之尸位。取侮強隣。恨酷吏之殘民。甚於塗炭。甘以一身解千萬人倒懸之厄。醒數千年黃昏之魂。有志竟成。卒恢漢鼎。此其功名赫奕。何遜先賢。雖與日月爭光可也。回溯諸烈士先後遭變。廣州一役。殉難尤多。機洩喪元。敵如流血。死而姓名湮沒不報者。不乏其人。夫時勢為英雄所造。原無限於勢位。惟此固謀。協志。再接再厲。之毅力。足以寒胡虜之膽。而示民氣之剛。雖專制有所不能。抑虜敵有所不能。禁也。彼為明清而殉難者。既有傳矣。則此復國諸烈士為民國創造之元勳者。可無傳乎。

是為序

評橫厲之氣咄咄逼人可謂文與事稱

題崖山圖

周濂清

於楊嘉慶先生廢麓中得國粹學報一冊視之乃山水人物畫美術品暨博物圖爾細玩之愛其精工獨有一幅海水蒼茫山色蕭瑟坎硤大石突起海水中極山險兀怪之狀者崖山圖也披閱之下慨然想見當年夫丞相陸忠貞公豈獨昧於大勢之一去不知此無濟於事哉而欲負帝踰海而南苟存一綫之嗣於烟瘴之鄉以圖死灰之復燃遺風而沉雖曰天命而其志亦良苦矣哉古者忠臣義士之所為不避險阻而趨巧安不憚於勢物之利害亦不圖於天命之子奪仗萬古懷然不可泯沒之義氣雖焚骨碎身亦有所不顧者矣而論者責其無補而輕於死充其說也將萬古無忠節之人乎且亦見其自比於奸邪設淫辭以啟後世臣妾敵虜屈膝兩朝之徒俾有藉口也豈不謬甚矣哉畫類題有宋丞相陸秀夫負帝沈此石下十餘字因感而書此民國七年五月二十四日夜慶雲周濂清

評其氣雄直昌黎所謂水大而物之浮者大小畢浮大境有焉

說益智圖

王錫思

益智圖者以木片制成都方圓三角一十有五其厚約分許寬僅寸餘另有一書偏圖各物之形玩之者手具目圖即成種種狀態樂靡極焉以其能通人智慧而開人之心思遂名曰益智吾嘗於友人許見案上有此物欣欣然玩之竟全圖皆無一成者乃請於友友曰是玩物也當心平氣靜志一圖即專意治之始可有成若以為容易而輕率視之隨手位置其卒於無成也必矣吾為之一笑罷去

新文庫卷十

序跋

因思夫玩具且必專精況為學乎感而作益智圖說以自儆云

評靈動自在恰到好處

姜君渭溪醒世軒文集序

王寶榮

夫有泰岱英鬱之靈而後誕生明哲有日月星辰之繫而後煥發文章是以滄海橫流麟經乃作山川徧歷屬史繼成此文人學士身丁叔世有挽世之心而亦發為救世之言者古今固然也余同窗友姜君渭溪殆亦斯人之徒歟姜子敏而好學幼有大志讀書之暇輒撫膺謂余曰世風異古道德淪亡誰振尼山之鐸而拯末俗之頹哉吾聞之竊欣然自喜喜其嫉世之心烈必將有以挽之也去年冬乃搜集囊中舊稿得數百篇擇而編之持以示余視其文皆有功世道人心之文也署曰醒世軒文集顧名思義洵為醒世之津梁矣憶姜子非善為文者也此數百篇之作曷足以盡姜子之大哉然末俗之頹有是編而拯救之固綽乎其有餘裕也夫自科舉興學校廢儒林士子以盡經史為取爵祿之計讀聖賢之言而日越乎常軌者何幾蓋熟誦其言而不能躬行實踐者比比也清之季世科舉廢學校興是時也承積重難反之餘吾子獨戚戚然憂之久有挽世之心歷多年乃有是編之作觀其指人羣以綱常道德之南針而益歎其憂世之心切也謹為之序以表吾子之志云耳文俚不計焉

評就作者之苦衷切實發揮比事屬詞洵為通儒之論

戴貽盒詩序

程瑞謙

貽盒以溫文渾厚之才為白嶽山莊之逸駭今考古有則有條援筆成文不支不蔓寫景則畫藏詩裡片片烟波咏物則珠落盤中顆顆貫串或懷古而華鼎淵源都超象外或感時而華夷事蹟盡入

胸中并因求德求才。乃與半師半友。且也。論古導我詩詩。載酒聯吟。知君落落。相識風塵。非偶然矣。乃復深自韜晦。無意顯榮。池邊垂釣。竹外裁詩。願得閒身。藉供韻事。今者。拋來。咳唾集成。珠玉之篇。翹企山林。羣聽和膚之曲。遣詞命意。洵足救敝扶偏。中原一綫之精華。處士十年之辛苦。回環展誦。齒頰留香。恭綴小言。聊申景慕。妄以雕蟲小技。強化騷人。才盡之文。不避貽笑。大方亂補。良友詩前之白。

筆致輕倩局度渾成

王君峭巖湘中草詩序

姜寅

余幼時。好讀地理。審知湘省之南。有五嶺之山。綿亘數萬里。巖壑深邃。其有洞庭之湖。為五湖名勝之一。每當風日晴麗。光耀萬頃。帆檣如織。中有衡山之脈。七十二峯。矗立雲表。風景既佳。古蹟尤夥。竊不禁私心慕之。今年秋。余友王君峭巖。授余湘中詩草一卷。中有五七言雜詩若干首。余受而讀之。而為之三歎也。蓋峭巖自春阻。徧遊湘中全省。風景古蹟。收覽無遺。而其詩之雄壯。逸麗。固已借遊而益工也。其車轍馬跡之所及。或入湘鄉。或至長沙。則感及洪楊之亂。生民塗炭。而平之者。有人。又武漢起義。義長沙。獨先。然後各省響應。則地勢為之而沿途。又頭矢鏃。陰燄。遺骸。往往雜出於荒烟蔓草。間見之多。蒼涼壯烈。故詠其事者。亦多有悽愴蕭瑟之音。又或謁二妃之墓。田訪桃源之舊址。則感及美人黃土。仙子銷沉。因懷古之多情。亦傍徨而躑躅。至若涉洞庭。泛瀟湘。游深山。登高峯。森森蒼鬱。溪澗迴亘。則念及山谷。邱陵。滄桑多變。詠其事者。則多幽峭。而深長。嗟乎。峭巖先生所作之工。蓋自是而歲以加矣。僕生也晚。每欲致力於詩。然以奔陋之姿。欲追隨於後。塵不可得也。

文筆幽峭而清暢是善學清初侯汪諸大家者

全學新文庫卷十

序跋

三

乙編二集

吾校何為而創本刊乎。以其有益於學生者也。學生肄業群科。各本其性。所好者而殫精研究。容有獨得之神秘。本刊即為學生發表此種神秘之機關。此可以促學生個性之發達者。其益一。國文科作法有定題。馬以求縛學生意志。不免有偏枯之病。本刊則任其自由製題。自由投稿。各抒所見。此可以救國文作法之偏枯者。其益二。萃一校之精華於尺幅。可以資觀摩。其益三。陳學生之佳作於眾前。可以鼓舞起其益。四有此四益。於是乎本刊出焉。

落筆灑然一空依傍

寒江獨釣圖跋

葛居震

寒江獨釣圖。吾友恨天生所作。本柳宗元江雪詩意。蓋傷晚近世也。圖中蕭條寒江。一老翁兀坐獨釣。滿天風雪。凝凍無驚。山絕鳥飛。徑無人影。獨衣鴻泣於夜渚。野樹老於幽谷。耳而江寒。魚伏欲釣。何由其別有懷抱哉。僕也。花落筆端。江郎才盡時艱。舊目平子。愁生風景。不殊舉目有山河之感。當斯世撫斯圖。不禁怆然憂悵。然數惻然悲泣矣。嗟乎。世變何常。人情莫測。天荒地老。只一漁翁有心。不可悲哉。爰書之卷尾。

咏嘆出之筆情瀟灑

題關壯繆圖

周文在

右圖一幅。赤毛高身。奮鬣奔蹄者。為赤兔馬。長柄濶面。望之生畏者。為青龍刀。左攬轡。右提刀。紅面丹唇。靈眉鳳眼。美髯垂胸。挺身怒目。氣宇軒昂。而乘於馬上者。關公雲長也。考公生於漢末。時奸臣當道。盜賊蜂起。羣雄割據。互相殺伐。公獨與劉公玄德。張公翼德。以肅清朝廷。為志。遂起兵百戰百